



UPRAVA POLICIJE

Broj: 05-04/06-11-173-1/22/RS

Datum: 18.05.2022. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), Preporuke o izboru najpovoljnijeg ponuđača Komisije za javne nabavke Uprave policije MUP-a USK-a broj: 05-04/01-1-11-173/22 od 13.05.2022. godine, a na osnovu člana 26. Zakona o unutrašnjim poslovima Unsko-sanskog kantona („Službeni glasnik USK - a“, broj: 13/16) u postupku javne nabavke roba – opreme sa ugradnjom i izvođenjem radova za videonadzor javnih površina i raskrsnica u Gradu Bihaću za potrebe Uprave policije MUP-a USK-a, policijski komesar Uprave policije MUP-a USK-a Bihać, d o n o s i:

**ODLUKU**

**o izboru najpovoljnijeg ponuđača i dodjeli ugovora**

**Član 1.**

Prihvata se Preporuka Komisije za javne nabavke broj: 05-04/01-1-11-173/22 od 13.05.2022. godine i ugovori za javnu nabavku roba – opreme sa ugradnjom i izvođenjem radova za videonadzor javnih površina i raskrsnica u Gradu Bihaću za potrebe Uprave policije MUP-a USK-a dodjeljuju se najpovoljnijem ponuđaču ROAMING NETWORKS d.o.o. Banja Luka za ponudenu cijenu od **470.000,00 KM (slovima: četrístotinesedamdesethiljada i 00/100 KM) bez PDV-a.**

**Član 2.**

Izabrani ponuđač je dužan da u roku od 5 (pet) dana od dana prijema ove Odluke dostavi originale ili ovjerene kopije dokumenata iz člana 45. Zakona o javnim nabavkama.

**Član 3.**

Prijedlog ugovora o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obavješteni o izboru najpovoljnijeg ponuđača, kojim će se regulisati međusobna prava i obaveze vezano za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupak ugovaranja.

**Član 4.**

Za izvršenje ove Odluke zadužuje se i ovlašćuje Sektor za materijalno-financijske poslove i informacijsko – komunikacijske tehnologije, Odsjek za materijalno opremanje i komercijalne poslove.

**Član 5.**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 70. stav (1) i (2) Zakona o javnim nabavkama i to elektronskim sredstvom (mailom).

**O b r a z l o Ź e n j e**

Postupak javne nabavke pokrenut je odlukom o pokretanju postupka javne nabavke broj: 05-04/06-11-173/22/RS od 22.02.2022. godine.

Javna nabavka je provedena primjenom otvorenog postupka za dostavu ponuda. Kriterij za dodjelu ugovora je najniža cijena.

Procijenjena vrijednost javne nabavke bez PDV-a iznosi do 470.000,00 KM.

Obavještenje o nabavci broj: 20936-1-1-32-3-11/22 objavljeno je dana 30.03.2022. godine na Portalu javnih nabavki.

Krajnji rok za prijem ponuda bio je 13.05.2022. godine do 09:00 sati.

Komisija za javne nabavke imenovana je Rješenjem broj: 05-04/04-2-11-785/20 od 04.06.2020.godine.

Komisija za javne nabavke dostavila je Zapisnik sa otvaranja ponuda od 13.05.2022. godine, Zapisnik o ocjeni ponuda broj: 05-04/01-1-11-173/22 od 13.05.2022. godine sa Preporukom o izboru najpovoljnijeg ponuđača broj: 05-04/01-1-11-173/22 od 13.05.2022. godine, u postupku javne nabavke roba – opreme sa ugradnjom i izvođenjem radova za videonadzor javnih površina i raskrsnica u Gradu Bihaću.

U postupku po Zapisniku o pregledu i ocjeni ponuda je utvrđeno da je Komisija za nabavke blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene 2 (dvije) ponude;
- da su blagovremeno primljene 2 (dvije) ponude;
- da nije bilo neblagovremeno primljenih ponuda;
- da je ponuda ponuđača „ROAMING NETWORKS“ d.o.o. Banja Luka prihvatljiva
- da je ponuda ponuđača „MIDDLE POINT ELECTRONICS“ d.o.o. Sarajevo neprihvatljiva

U prvoj fazi obavljena je provjera kvalifikacija ponuđača, prema uslovima i kriterijima utvrđenim u tenderskoj dokumentaciji, te je Komisija uvidom u ponudu ponuđača „MIDDLE POINT ELECTRONICS“ d.o.o. Sarajevo utvrdila da dostavljeni Obrazac za cijenu ponude – Aneks 3 nije u skladu sa tenderskom dokumentacijom, odnosno nije sačinjen u skladu sa Obrascem za cijenu ponude – Aneks 3 koji je izmijenjen i blagovremeno objavljen na Portalu javnih nabavki BiH dana 26.04.2022. godine. Naime, u istom je dodana nova kolona – Naziv,oznaka, proizvođač opreme, te su ponuđači bili dužni dostaviti svoju ponudu sa tako izmijenjenim Obrascem.

S tim u vezi, ponuda ponuđača „MIDDLE POINT ELECTRONICS“ d.o.o. Sarajevo odbacuje se kao neprihvatljiva.

Ponuda ponuđača „ROAMING NETWORKS“ d.o.o. Banja Luka ispunjava sve tražene uslove ugovornog organa, te se navedeni ponuđač predlaže za dodjelu ugovora. Pošto se radi o samo jednoj prihvatljivoj ponudi, Komisija je konstatovala da nema potrebe za provođenjem e-aukcije.

Naziv/imena ponuđača čija je ponuda odbijena i razlozi za njihovo odbijanje:

Broj pod kojim je ponuda zavedena	Naziv ponuđača	Razlozi za odbijanje ponude
05-04/01-1-116/22	MIDDLE POINT ELECTRONICS D.O.O.	Član 68. stav (4) tačka i) ZJN – ponuđač u sastavu ponude nije dostavio odgovarajući Obrazac za cijenu ponude – Aneks 3

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu ponuda, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Naziv ponuđača čija je ponuda ocijenjena kao najpovoljnija:

<b>PODACI O NAJPOVOLJNIJEM PONUĐAČU</b>	
Naziv ponuđača	„ROAMING NETWORKS“ d.o.o. Banja Luka
Sjedište i adresa	Bulevar vojvode Stepe Stepanovića br. 183, Banja Luka
Ukupna cijena ponude bez PDV-a	470.000,00 KM
Ukupna cijena ponude sa PDV-om:	549.900,00 KM

Iz navedenih razloga, primjenom člana 64. stav (1) tačka b), člana 25., člana 70. stavovi (1), (3) i (6) Zakona o javnim nabavkama Bosne i Hercegovine (“Sl. glasnik BiH”, broj: 39/14) i člana 26. Zakona o unutrašnjim poslovima Unsko-sanskog kantona (“Službeni glasnik USK-a”, broj: 13/16), odlučeno je kao u dispozitivu ove Odluke.

#### POUKA O PRAVNOM LIJEKU

Protiv ove Odluke može se izjaviti žalba putem ugovornog organa, najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa.

Dostaviti:

1. Ponuđaču: „ROAMING NETWORKS“ d.o.o. Banja Luka, putem e-maila
2. Ponuđaču: „MIDDLE POINT ELECTRONICS“ d.o.o. Sarajevo, putem e-maila
3. Sektor za mat.-fin. poslove i IKT - za objavu
4. a/a

